

19-dekabr kuni Muhammad al-Xorazmiy nomidagi Toshkent axborot texnologiyalari universitetida Beihang universiteti professorlari hamkorligida sun'iy yo'ldoshli navigatsiya tizimlari va sun'iy yo'ldosh texnologiyalari bo'yicha master-klass bo'lib o'tdi. Master-klass BDS/GNSS (BeiDou Navigation Satellite System / Global Navigation Satellite Systems) texnologiyalarining zamonaviy holati va rivojlantirish istiqbollari, shuningdek, xalqaro ta'lim hamda BDS bo'yicha tayyorlash masalalari mavzularini qamrab oldi.

Master-klassda Universitetimiz hamda Toshkent davlat texnika universitetining professor-o'qituvchilari, TATU qoshidagi Pedagogik kadrlar malakasini oshirish va qayta tayyorlash tarmoq markazi tinglovchilari, talabalar hamda magistrantlar ishtirok etishdi.

Ma'lumot o'rnida aytish kerakki, TATU tomonidan kosmik tadqiqotlar va texnologiyalar sohasida yangi magistratura mutaxassisligi ochish [rejalashtirilmoqda](#). Beihang universiteti aynan sun'iy yo'ldosh aloqasi, navigatsion tizimlar, masofadan boshqaruv yo'nalishlari bo'yicha yangiliklarni tadqiq etish bilan shug'ullanadi va ushbu oliygoh dunyo universitetlari reytingida 491 [o'rinda turadi](#) (2018 QS).